

նակցեց Վրաստանի ԳԱ պատմության, հնագիտության և ազգագրության ինստիտուտի միջին դարերի պատմության բաժնի վարիչ, պատմական գիտությունների դոկտոր, պրոֆեսոր Մ. Կ. Դումբաձեն, որը, շնորհակալություն հայտնելով գիտական սեսիա գումարելու համար, նշեց, որ Վրաստանի գիտական հասարակայնությունը սույն իրողությունը գնահատում է ոչ միայն որպես Իվանե Զավախիշվիլու, այլև ողջ վրաց

ժողովրդի հանդեպ ցուցաբերած սիրտ և հարգանքի դրսևորում:

Գիտական սեսիայի աշխատանքները ամփոփեց ՀՍՍՀ ԳԱ իսկական անդամ Մ. Աղայանը, որը իր եզրավակիչ խոսքում շեշտեց, մասնավորապես, Զավախիշվիլու մեծ ավանդը հայ և վրաց ժողովուրդների բարեկամության պատմությունը ուսումնասիրելու բնագավառում:

Վ. ՄԱՐՏԻՐՈՍՅԱՆ

ՀԱՆՐԱՊԵՏԱԿԱՆ ԱՌԱՋԻՆ ԻՐԱՆԱԳԻՏԱԿԱՆ ԿՈՆՖԵՐԱՆՍԸ

ՀՍՍՀ ԳԱ արևելագիտության ինստիտուտի նախաձեռնությամբ դեկտեմբերի 9—10-ին կայացավ հանրապետական առաջին իրանագիտական կոնֆերանսը, որին իրենց մասնակցությունը բերեցին Պետհամալսարանի, Մատենադարանի, պատմության ինստիտուտի, հնագիտության և ազգագրության ինստիտուտի, Հայաստանի պատմության պետական թանգարանի, արվեստի ինստիտուտի աշխատակիցները:

Կոնֆերանսի շորս նիստերում ներկայացված 22 զեկուցումների գերակշիռ մասը նվիրված էր իրանի պատմության հարցերին՝ սկսած վաղ ժամանակներից մինչև մեր օրերը: Առանձնակի հետաքրքրություն առաջացրեցին ՀՍՍՀ ԳԱ ակադեմիկոս Ս. Երեմյանի «Վաղարշ II-ը և նրա քաղաքական հարաբերությունները պարթևների և Հռոմի հետ», ՀՍՍՀ ԳԱ թղթակիցանդամ Գ. Սարգսյանի «Արեմենյան արամեալեզու գրասենյակի ավանդույթները հին Հայաստանում», Խ. Մուշեղյանի «Սասանյան դրամների տարածումը հին Հայաստանում V—VII դդ.», Գ. Տիրացյանի «Հայաստանի արեմենյան շրջանի գեղարվեստական մետաղագործությունը» զեկուցումները:

Իրանի պատմության համեմատաբար սակավ լուսաբանված և կամ դեռևս ամենեին չուսումնասիրված հարցերի քննարկմանն էին նվիրված նաև Հ. Եղանյանի «Իրանական լուսավորիչ Մալքոմ խանի (Մելքոնյան) դերը իրանի հասարակական-քաղաքական մտքի զարգացման գործում», Վ. Բայբուրդյանի «Թուրք-իրանական հարաբերությունները և քրդական պրոբլեմը XIX դարի վերջերին և XX դարի սկզբներին», Բ. Բալայանի «Ժամանակակից իրանի հարավային շրջանի իլ-աշիրե կոչվող ֆեոդալական ինստիտուտների անկումը», Խ. Զատոեի «Քրդերի մասնակցությունը իրանի ազգային-ազատագրական շարժումներին (1917—1921 թթ.)», Պ. Մուրադյանի «Աբու Սաիդի Անիի պարսկերեն հրովարտակ-արձանագրության թը-

վականը», Գ. Հարությունյանի «Հայ պարբերական մամուլը որպես աղբյուր 1905—1911 թթ. իրանական հեղափոխության պատմության», Հ. Փահլևանյանի «Բահաիզմը և նրա ունակցիոն էությունը», Լ. Դանեղյանի «Մանր ժամանակագրությունները որպես իրանի պատմության աղբյուր» և Ա. Ստամբուլցյանի «Աղգային բուրժուազիայի կառավարությունը և իրանի ժողովրդական կուսակցությունը» զեկուցումները:

Իրանական բանասիրության և արվեստի մի շարք կարևոր ու ակտուալ հարցերին էին նվիրված Լ. Շեխոյանի «Ժամանակակից պարսկական վիպակի ժանրը», Հ. Մովսիսյանի «Աղթամար» լեզենդի պարսկական տարբերակը» և Ա. Կոզմոյանի «Խայամյան քառյակները որպես ռուբաիի զարգացման պատմության նոր աստիճան» զեկուցումները:

Լեզվաբանական հաղորդումներով հանդես եկան Գ. Նալբանդյանը՝ «Ժամանակակից գրական պարսկերեն լեզվի ձայնավորների շուրջը», Օ. Արղումանյանը՝ «Պարսկական անթրոպոմիկայի մի բանի հարցեր», Մ. Խամոյանը՝ «Տարբեր մակարդակների միավորների մասնատման հարցի շուրջը», Գ. Մելիքյանը՝ «Ժամանակակից պարսկերեն հարադիր բառակապակցությունների լեքսիկա-քերականական բնութագրման շուրջը»:

Հետաքրքրությամբ լսվեցին նաև Մ. Ղաղարյանի («Պարսկական հաստոցային նկարչության սկզբնավորումը») և Ռ. Ամիրբեկյանի («Մատենադարանի արաբա-պարսկական ֆոնդի № 1036 ձեռագրի գեղարվեստական ձևավորումը») զեկուցումները՝ նվիրված պարսկական նկարչությանը:

Իրանագիտական կոնֆերանսի աշխատանքները ամփոփեց ՀՍՍՀ ԳԱ Արևելագիտության ինստիտուտի դիրեկտոր, ՀՍՍՀ ԳԱ թղթակիցանդամ Գ. Սարգսյանը:

Ա. ՍՏԱՄԲՈՒՅՅԱՆ